


lazarin
941

Le veritable manifeste de la france...

UNIVERSITY OF N.C. AT CHAPEL HILL



00023014658

RARE BOOK
COLLECTION



THE LIBRARY OF THE
UNIVERSITY OF
NORTH CAROLINA
AT
CHAPEL HILL
Mazarin
3941

394
m 3941

3941

LE VERITABLE
MANIFESTE
DE LA
FRANCE,
A SON ALTESSE ROYALE
E T
A MESSIEURS
DV PARLEMENT,
SVR LES DESORDRES DES
GENS DE GVERRES.

A PARIS;
Chez CLAUDE LE ROY.

M. DC. LII

LE VÉRITABLE
MANIFESTE
DE LA
FRANCE
A SON ALTESSE ROYALE
ET
A MESSEIERS
DU PARLEMENT
SUR LES DESORDRES DES
GENS DE GUERRE

A PARIS,
Chez CLAUDE LE ROY.

M. DC. LII.

3

LE VERITABLE MANIFESTE
de la France, à son A. R. & à Messieurs du
Parlement, sur les desordres des gens de guerres.

GRAND Prince, ie sçay que vous compatissez à ma disgrâce, & que vous meslez de bon cœur vos larmes avec les miennes, & puis qu'il vous fache extrêmement de me voir aujourd'huy reduite au plus déplorable estat, ou ie pouuois iamais estre: ie m'adresseray à V. A. R. pour l'entretenir de ma douleur, & pour luy demander quelque remede aux maux qui m'accablent, & qui infailliblement me vont faire perir si vous n'accourez à mon secours.

Vous auez vne longue & triste experience des calamitez que i'ay endurées, & sans vous obliger de relire les guerres que i'ay eues contre les Anglois, & contre Charles le Quint & Philippes second: il me suffit de vous dire que vous n'ignorez pas les troubles que m'ont causé les Religionnaires dans la plus fascheuse saison de cette monarchie, de mesme que ceux de la ligue & les autres guerres qu'elle a produit, & ie m'assure que vostre esprit fremit encôres des spectacles d'horreur qui ont paru en ce temps là sur mon theatre. La foelicité du regne d'Henry le grand vostre pere, en auoit réparé toutes les pertes, & les François ne se souuenoient plus des disgrâces passées sous Louys treize. Les miseres publiques ont repris de si profondes racines qu'elles subsistent encôres, & les peuples extrêmement lassez & autant affoiblis par les victoi-

res que par les pertes, estoient à la veille de respirer & de
jouyr d'un bien heureux repos.

Vn malheur qui n'a point d'exemple dans l'histoire, va rouvrir toutes mes blessures & mettre en pieces mes pauvres entrailles, va avec le fer & le feu se respendre par toutes mes Prouinces, & va causer le plus grand embrasement qui ayt iamais paru dans le monde: Et ce qui m'estonne & me surprend, est qu'on n'a point veu de guerre qui n'ait eu quelque fondement, où du moins vn legitime pretexte, & dont la fin n'ait regardé l'interest de quelques particuliers: Les troubles de la Religion ont fomenté l'ambition des Princes, qui vouloient à quelque prix que ce fut gouverner l'Estat, & posseder par force & par violence les bonnes graces des Roys. La ligue auoit pour but l'vsurpation de la Monarchie, & elle vouloit esteindre & couper la racine de la maison Royale: Mais dans cette fatale & cruelle conjoncture, on ne respire que le bien general, on ne traouaille qu'à maintenir l'autorité souueraine, on ne cherche que la fœlicité publiques, & on ne demâde au Ciel que le bon heur de tous mes sujets, & la Cour est en cela d'accord avec le Palais, & tous les François crient vnanimement viue le Roy.

Il ny à pas mesme qu'asi lieu de se plaindre, & si les desordres ou les neceslitez publiques ont deuoré plusieurs millions, & si les dispensateurs des deniers publics ont eu des mains, ils ne seront pas exempts de la repetition & recherche qui s'en doit faire, vn bon reglement fermera la bouche à tout le monde & reünira tous mes enfans : Et apres tout, grand Prince, est-il iuste que pour reparer vne faute il faille employer vn remede pire mil fois

fois & plus fascheux que le mal mesme, & que les François versent tout leur sang, les vns contre les autres, pour puis apres deuenir les esclaués de leurs ennemis & faire changer de face à la plus redoutable & la plus florissante de toutes les Monarchies. Que diront les amis & les aliez de cette Couronne? Que ne feront point les ennemis? Quel iugement en feront les autres nations? Quelle gloire & Qu'elle reputation produira vne telle leuée de Bouclier, & qu'en croira la posterité? Estrange auëuglement que ceux qui sont aujourd'huy les Maistres & les Arbitres de la Chrestienté, soient peut estre obligez demain de se sous-mettre, & que des victorieux ayent la honte & la confusion de receuoir la loy des vaincus.

Le Roy ne demaude que de l'obeïssance, & ceux de Paris n'ont point d'autre pensee que de luy en rendre; & sans entrer plus auant dans de grandes irruptions ny faire des actes inouïs d'hostelité, ne vaut il pas mieux se reconcillier de bonne heure & n'attendre pas que le desordre soit monté à vn excès qui le rende irreparable.

Faites grand Prince, qu'un fauorable accord preuienne vne infinité de pilliages, d'incendies, de sacrileges, de viollemens, de meurtres, de larcins & de tant d'autres meschancetez qui sont en vsage, & que la guerre ciuille pratique? Et dans les malheurs dont l'aduenir nous menace, faites voir qu'il est aussi d'angereux de vaincre que d'estre vaincu, puisque les victorieux ne remportent que de funestes trophées & des desplaisirs immortels, d'auoir combattu les vns contre les autres.

Vostre Al. R. qui est issuë de l'illustre tige de nos Rois,

& qui a porté les armées & soustenu puiffamment l'inté-
 rest du Roy contre les ennemis de l'Estat, & dont les pro-
 grez font l'ornement de toutes mes conquêtes, n'igno-
 rez pas combien la guerre fait de misérables, & iufques
 ou peut aller la licence & l'impunité du soldat, & enco-
 res en cette pitoyable occasion, où le pere est contre le
 fils, où le frere medite la mort de l'autre, & où tous les
 parens ne pensent qu'à ce deffaire de leurs plus proches.
 Desliurez moy grand Prince, de tous ces malheurs, vous
 la pouuez, soyez le mediateurs de tous ces differends qui
 n'ont pour objet qu'un retour, & pour mettre fin à mes
 maux accordez vne retraitte ou l'on ne me puisse faire de
 mal, & aydez au ieune Monarque qui me gouuerne à
 manier le Septre qui est en sa main, plustost que de ha-
 zarder ma fortune, reservez la valeur de mes enfans pour
 vne meilleure occasion: Les Parisiens seuls dans vn mal-
 heur general, ne sont ils pas capables de seruir vtilement,
 & il ny en à pas vn qui n'ait assez de force & de courage
 pour prediger sa vie & respendre son sang pour vn Roy,
 s'il estoit attaqué avec perte ou desaduantage; comme il
 arriua lors que les ennemis s'emparerent de Corbie & des
 autres Villes frontieres, lors qu'ils porterent le fer & le
 feu dans toute la Picardie, & lors qu'ils donnerent l'es-
 pouuente & la terreur à tous les François.

C'est cette puiffante & superbe Ville qui fit vn effort
 digne d'elle, & qui donna moyen au feu Roy de couvrir
 vne faute, & de reparer l'inprudence du Cardinal de Ri-
 chelieu, qui auoit laissé cette partie de l'Estat trop à des-
 couuert: En effect les Espagnols mesme parlant de cette
 Ville de Paris, ce sont assez fait entendre, quand ils ont

publié hautement ; *vrbs preuallet orbi* : que c'estoit vn prodige & vne merueille de la nature, par le moyen de laquelle nos Rois peuuent ameilleur titre se dire Monarque, que non pas les Affiriens, les Medes les Perses, les Grecs & les Romains, puis qu'elle est capable de leur ouurer le chemin de la conqueste de l'vniuers.

Mais ce qui est admirable, elle ne veut point faire cognoistre sa force & sa puissance que pour le seruice de son Prince & de sa patrie, & quoy qu'il puisse arriuer, elle veut demeurer ferme & constante dans le deuoir & l'obeïssance qu'elle doit à son Souuerain. C'est la route l'ambition de Messieurs du Parlement : ils detestent & condamne toutes les vsurpations, soit qu'elles ayent esté heureuses, soit que le succez en ait esté funeste, ils ont mesme en horreur l'establissement de la Republique Romaine, qui n'a pas commancé si heureusemēt qu'eux : Comme aussi les Suisses qui ne se sont pas liguez avec tant d'auantage, & mesme les Estats de Hollande & les Parlementaires d'Angleterre qui n'ont pas agy avec tant de force ny avec vne conduite pareille à la leur. Ils ne trauaillent que pour soustenir la grandeur & la dignité de cette Couronne, & pour rendre eternelle la Monarchie Françoise, qui est si bien establie, qu'à vray dire elle ne peut perir que par elle mesme & par la diuision du peuple.

Grand Prince, agissez donc Noblement de toute vostre force, comme ie vous en conjure, par les cris les larmes & le sang d'une infinité de miserables, & faites en sorte qu'il arriue la mesme chose aux François qu'il arriua autresfois aux Espagnols : Ils estoient diuisez & a-

uoient peine à supporter la domination des Allemans, & à souffrir l'heumeur de Charles le Quint: Vne guerre ciuille s'estoit cruellement allumée en Castille, & à dire vray elle y eust causé vne espouuentable desolation, si l'armée Françoisé qui fut enuoyée par la conqueste de Nauarre, se fust contentée d'auoir pris Pampelune, & triomphé en quinze iours de tout ce Royaume, mais l'imprudence & l'auarice de ceux qui commandoient les porta à entrer hostilement en Espagne, où ils ne firent autre progrez que de reünir les Espagno's diuisez, esteindre des animositez domestiques & mettre fin à vne guerre sanglante, qui sans doute eust ruiné les affaires de l'Empereur & donné en proye toute l'Espagne, qui en vn iour victorieux reconquit tout vn Royaume, & donna vne chaste honteuse aux François.

Et apres que tous les esprits se seront reconciliez, & que tous les François seront bien d'accord, vous acheuez grand Prince, l'accomplissement du bon heur de toute la Chrestienté, par la conclusion de la paix general, cejsaisant V. A. R. aura le contentement d'auoir esfuyé mes larmes & mis fin à mes desplaisirs, & la satisfaction d'auoir beaucoup contribué au repos public, & rendu la seureté & l'abondance à tout l'vniuers, qui aura tout le ressentiment qu'on peut auoir d'vne si parfaite obligation.

F I N.



